

Imenovanja direktora policijskih organa ne smiju biti političke prirode

Reagirajući na medijske izvještaje i spekulacije da političke stranke razgovaraju o imenovanju novog direktora SIPA-e u okviru procesa raspodjele političkih pozicija, OHR želi jasno reći da bi tako nešto bilo protivno odredbama Zakona o policijskim službenicima.

Daljnje spekulacije u tom smislu, ili pokušaji da se izmjene postojeće odredbe kako bi se omogućilo političko imenovanje direktora policijskih organa, bili bi u suprotnosti ne samo sa zakonom nego i protivni najboljim primjerima iz prakse kojima se osigurava profesionalno obavljanje policijskog rada u BiH, uz adekvatnu zaštitu od neodgovarajuće političke kontrole nad ovim institucijama.

Zakon o policijskim službenicima sadrži izričite odredbe koje imaju za cilj da osiguraju da se direktori policije biraju samo među onim kandidatima koji trenutno rade kao policijski službenici najvišeg ranga i imaju neophodne vještine i dugogodišnje radno iskustvo, kao i da se biraju za fiksni mandat. Ove odredbe namjerno su ugrađene u Zakon kao mehanizam za sprječavanje neprimjerene političke kontrole nad radom policije. Policijski direktori ne mogu se ponovno imenovati na osnovu izbornog ciklusa.